

Tutunlap mi Awewei Ossini

Usun Ewe Imwenfel non Lang

Exodus 24:1-25

Ese wor ew fansoun, ewe Samol a fori ew watten manaman epwe lap seni ewe fansoun e angasano ekewe chon Israel seni fan nemenemen ekewe chon Egypt. Kot a awora ekewe manaman mi afeiengaw won ekewe an Pharaoh we mwuu tori an a fangetani ekewe chon Israel non asopwisek. Iwe ewe Samol a sukanoo oh



eimufeseni ewe setipar oh emwenanoi ekewe chon Israel ngeni ar ngaseno seni ewe nemenemengaw, nge ekewe chon Egypt ra cher o ra kokonoo non ewe setipar nupwen Kot a ochufengeni sefan.

Murin ar ra tonong non ewe fonupon, Kot a amairu chomong nein ekewe chon Israel ren an a emwenir ngeni eor(south) seni ewe fonuwen pwon. Ewe Samol mi sinei pwe mwemwen ar repwe angei ewe fonuwen pwon, epwe akoum aitor ar repwe epinukunuku Kot akoum. Nupwen ra feino ngeni ewe Chukun Sinai Kot a anisi ngenir metoch meinisini mei auchea ngenir ra osupwangan. Nupwen ra echik Kot a ngenir pinawa seni lang, Manna. Nupwen ra kaka, Kot a fang ngenir unumer konik seni ew achau. Nupwen a wor chon eto pwe epwe maun ngenir nge rese sinei, Kot a awora an manaman me tumunur oh fiu faniter

oh wineni ewe maun faniter.

Me-ikeiia Kot a fori och metoch sisamwo kuna an fofori menom. A aronga ngeni ewe muun Israel- an we etipew ika pwon, an kewe 10 annuk. Murin an ewe Samol a wess me ereni ekewe chon Israel ekewe 10 annuk, a kokori Moses pwe epwe feita won ewe chuk iwe a ngeni ankewe 10 annuk won 2 seneich fau. Nge meipwan wor och metoch Kot a pwan ngeni Moses menukun ekewe annuk. Moses a nonom won ewe chuk non ukukun 40 ran me 40 pwin, Kot a ngeni niosun me napanapen ewe imwenfel moses epwe auweta. Ei imwenfel a for seni mangaku oh ekewe chon Israel ra tongeni ar repwe uwei ngenir ian ra noo ian. Ei imwenfel moses epwe fori, a napanapen ewe imwenfel non lang. Ei imwenfel, unungat kinikinin non. Ew me ew

ekkei kinikin, ra aiti ngeni aramas usun an Kot we kokkotun amanawa kich seni ach tipis.

1. Met ewe Kot e ereni Moses epwe auweta, lwe pwata?

Exodus 25:8 Mürin, ekewe aramas repwe föri ewe _____ fän itei pwe üpwe _____ lefiler


2. Met Kot a mochen pwe neun kewe aramas repwe kaeo seni tetenin me mokutukun ewe imwenfel?

Psalms 77:13 Om _____ oh Kot a nom non ewe imwenfel.

3. Ian Moses e angei me ia foforun me niosun ewe imwenfel?

Exodus 25:40 Kopwe tümwünü pwe kopwe chök föri meinis _____ mine üa _____ ngonuk me won ewe chuk.”

Note: Kot a ngeni Moses Niosun, foforun, me masowen ewe imwenipin epwe fori me won ewe chuk Sinai (Hebrews 8:5). Ei imwenfel won fonufan, e for seni lapalapen ewe imwenfel non lang.



Ewe akaewin Imwenfel Moses e auweta a for seni tento (15ft taman 45 feet cholapan, 18 inis nongonongun) Non ei imwenfel, ewe lingen Kot a nonom non oh chomong apwapwan ika mokutkutun lamalam ra efisi non. Ekewe etip ra for seni ewe ira itan Acacia. Ra pachenong non socket mi silver, nge a pacheta Gold won(Exodus 26;15-19,29). Imwen(Roof) ewe imwenfel a for seni 4 sokun chech- linen, unen goat, unuchen Rams me unuchen badgers(wokisin 1,7 me 14). Mei wor 2 rumwan, 1. Ewe Neni mi Pin(15ft taman 30 feet cholapan). 2. Ewe Neni mi Unusen Pin(15ft taman 15ft cholapan). Nengeni ei chungu pwun iei usun niosun ewe imenfel Moses e fori.

4. Met sokun pisek e nom non ewe courtyard?

A. **Exodus 29:18** o kenala kinikinin ewe ätemwänin sip meinisin won ewe _____ asor. lei eu asoren _____ ngang ewe Samol mi Lapalap üa efich pwoon.

B. **Exodus 30:18** Kopwe föri eu _____ me motongan seni piras fän iten angangen töttöl....kopwe pwal alölöü ngeni koluk

Note: Ewe altaren kekin assor(Exodus 27:1-8) nenien an aramas wato arkewe menun assor. A nom non ewe courtyard ewe aewin kinikinin ewe imwenfel om ka tolong me non ewe asamalap. Ei altare a esisinata ewe irapengesi Sises. Ewe monun assor a esisinata Sises, ewe enletin assor(Jn 1:29). Ewe Sepien konik ika Laver (Exodus 30:17-21; 38:8) a for seni brass a nom nefinen ewe asamen tonong non ewe neni mi pin me ewe altaren assoren kek. Ekewe Souassor ra tonu peur me pecher mwemwen ar repwe tonong non ewe imwenipin ika mwemwen ar repwe for ar assor. Ewe konik a pwan esisinata papatais, nimenim seni tipis, me ewe minafon manau ika upsefan.

5. Ikefan ekena unungat metoch masowen non ewe Neni mi Pin?

A. **Numbers 4:7.** Iwe, repwe ameresala echö mangaku mi arauarau won ewe _____ ia ewe _____ mi _____ a nom ie....Iwe, ewe pilawa epwe chök nonom won ewe chepel fansoun meinisin.

B. **Numbers 8:2** “Iupwen epwe pacheetä ekewe fisu lamp won ewe lenien atittin, epwe föri pwe tiner epwe sarameno ren ekewe _____.”

C. **Exodus 30:1.** Iwe, kopwe föri eu _____ asoren ötüöt seni ewe irä akasia, pwe kopwe keni ewe _____ mi pwokus won

Note: Ewe chepelin chukun pinawa (Exodus 25:23-30) esisinata Sises, ewe pinawan manau (John 6:51). Ekewe 7 candle(Exodus 25:31-40) a esisinata Sises, ewe saramen fonufan (John 9:5; 1:9). Ekewe lamp mi nónó oil non a esisinata ewe Ngunmifel (Zechariah 4:1-6; Revelation 4:5). Ewe altaren kekin incense (Exodus 30:1-8) a esisinata an neun Kot kewe aramas iotek (Hebrews 5:7).

6. Met sokun pisekin ika minen mak a nom non ewe Neni mi Unusen Pin?

Exodus 26:34 Iwe, kopwe anomu ewe öppüng won ewe _____ o iseni lon ewe rumw mi unusen pin

Note: Ew chok metoch masowen ewe neni mi unusen pin (Exodus 25:10-22) ewe pworofel, mi napen pwor a for seni acacia mi chech ngeni Gold. Won ewe pworofel ruemon Chonlang ra for seni Gold. Epwonun ewe pworofel a iteni ewe Nenien Motun Umoumoch (Exodus 25:17-22), ikeia ewe ningen Kot a nonom ia . Ikeia a esisinata an Kot ewe nenien motun King non lang, mei pwan wor ruemon Chonlang ra uta mwenmesan (Psalm 80:1; Isaiah 6:1, 2).

7. Met masowen non ewe Pwórofel?

Exodus 25:21 Iwe, kopwe iseis lon ewe pworofel ekewe _____ mi chöpöp ngang üpwe ngonuk, ekewe allük ra mak won o apüngü ngeni ewe öppüng

Deuteronomy 10:4, 5

Iwe, ewe SAMOL a makkei säfäli kapasen ewe Pwon, ikkeei ekkewe Engol _____⁵Mwirin, ngang üwa kul o feittiw seni wón ewe chuuk. Iwe, üwa isenalong ekkewe faaw mi chööpöp lón ewe _____ ngang üwa fen föri usun ewe SAMOL a öllük ngeniei. Iwe, ekkewe faaw mi chööpöp ra nóm ikenan lón ewe pwórofel iei.

Note: Kot a maketiw an ewe etipeew ren pusin eutun peun won ruacho seneich fau iwe ra wanong non ewe pworofel. An Kot we nenien Motun umoumoch e nom asan, e esisinata pwe ika pwe neun Kot kewe aramas ra pwarata ar tipis ngeni Kot oh aier (Proverbs 28:13 umoumochun Kot epwe fokun torir ren ewe chaa mi amoromoritiw won an Kot ewe nenien motun umoumoch, seni ekewe souassor.(Leviticus 16:15, 16 Ewe chaa a wewe ngeni chaan Sises ewe epwe nininoo pwe epwe awora omusomusen tipis me nimetikich pwe sipwe nimonimoch oh unuseech(Matthew 26:28; Hebrews 9:22).

8. Pwata non ewe testamenin noom, re aea assor maan non angangen ewe imwenfel ?

Hebrews 9:22 Pün ika esap wor _____ mi süküló; iwe, esap wor omusomwusen tipis

Matthew 26:28 pün iei chaai, fäniten öllükülükün ewe pwon mi fö lefilen Kot me nöün aramas. Ei chcha a pwuupwuló fänäsengessin _____ chómmóng aramas.

Note: Ewe assoren ekewe menun asor, a men auchea pwun ee aiti ngeni aramas pwe ika pwe chaan Sises ese pwupwuno fanitach, esapw tongeni wor omusomusen tipis. Niwinin tipis mano. Pokiten kich meinsin sia tipis, kich meinsin sipwe fokun mano- iwe ita ururun sipwe fokun mano, nge Sises a asorota manawan fanitach pwe epwe mano non neniach oh a moni ach tipis meinsin. Ewe chon tipis epwe wato an ewe asoren tipis oh epwe pwan pusin nienon ren peun(Leviticus 1:4, 5). Weires oh mairu, Chaa mi pupuno pwun enletin aramas repwe sinei pwe tipis ewe e nienon Sises. Iwe ekewe aramasen noom ra nenenoo ngeni an Sises ewe epwe irapengesino ren manaw esemuch, nge kich ikenai sia nenese fan ngeni an Sises ewe irapenges faniten manaw esemuch pwan. Ese wor pwan ew anen manae esemuch menukun Sises chok.

9. Nupwen ra assorata ekewe maan, faniten tipis, met a fiss ngeni tipis?

Leviticus 1:4, 5 Iwe, ätewe epwe itetiw efóch _____ wón möküren ewe mönün asóren keek pwe ewe SAMOL epwe etiwa ewe münün asór pwe ina i ekesiwinil pwe liwinin _____ tipis fänitan. ⁵Mwirin, ätewe epwe posuw chioren ewe liäliffön ätemwänin kowu me mwen ewe SAMOL....we Imw Mangaku Leenien Chufengen.

Note: Nupwen ewe aramas ika chon tipis, a iseta peun won ewe menun assor oh pwarata meinsin an kewe tipis, an kewe tipis a totiwi seni ewe aramas oh a tota won

ewe menun assor. Iwe ewe menun asor a angei tipisin ewe aramas ewe iwe a wisen mano fanitan. Ei a esisinata pwe Sises epwe angei niwinin tipisich aramas oh mano fanitach.

10. Nupwen repwe assoreni emon maan faniten unusen ewe mwichefel, met a fiss ngeni ewe tipis?

Leviticus 4:17 Iwe, epwe tikilong lón ewe chcha ren efóch ächafen pöün o _____ ewe chcha fän fisu me fän mesen ewe SAMOL me mwen ewe _____ mangaku

Note: Ewe Sou assor a angei och chan ewe menun asor iwe a osupwata won ewe kerten non ewe imwenipin, esisinata pwe ewe tipis a suu seni ewe aramas a tota won ewe assor, iwe murin a tonong non ewe imwenipin. Nupwen Sises a feita lang oh winiti neuch ewe Souassor, oh angei chaan ewe oh a apply ngeni ach tipis, a pwonuveno achkewe tipis non iten Sises. (1 John 1:9).

11. Ikefan ekena ruu metoch masowen ewe imwenipin Sises a apwonueta fanitach?

1 Corinthians 5:7 *Christ our _____ is sacrificed for us. Hebrews 4:14 We have a great _____, that is passed into the heavens, Jesus the Son of God.*

Note: Sises ii ewe menun assor pwan ii ewe Souassor mi lap. Ewe Aewin kinikin a esisinata ewe uupsefan ngeni ew minafon manau, ach kewe tipis meinisin a musono(John 3:3-6; Romans 3:25 Ewe oruan kinikin a esisinata ewe manaman me pworachou ach sipwe tongeni manaweni ewe manawen pin ikenai pwan nesor me penoon (Titus 2:14; Philippians 2:13). Ekkei ruu metoch ra fori an emon aramas epwene pwung, wewen pwe a wor ewe enletin riri fengen nefinen ewe aramas me Kot. Ese fokun tufich an emon aramas epwe kuna pwung ren an angang murino(ren an achocho pusin) pwe ach pwung meinisin a feito seni ewe umoumochun Kot Sises a fang ngeni kich (Acts 4:12). Iei ewe manawen pwung sia angei ren ach nuku,iei chok ewe enletin pwung sia aeni.

12. Ikefan ekena 6 amwararen pwon paipel a ngeni kich usun ewe pwung an Kraist a fang ngeni kich?

- A. Epwe amoielo ach kewe tipis me lom me epwe ekieki pwe sise tipis (*Isaiah 44:22; 1 John 1:9*).
- B. Sises a pwonei pwe epwe aliwini ngenikich lapalapen Kot (*Romans 8:29*).
- C. Sises a ngenikich ewe mochen me manamanen ach sipwe fori letipen Kot (*Philippians 2:13*).
- D. Sises epwe anisikich ach sipwe chok fori ekkewe mettoch Kot epwe pwapwa ren (*Hebrews 13:20, 21; 1 John 3:22*).
- E. A angeiano ach kapungun mano ren an ngenikich niwinich ren manauan ese wor tipisin me an mano mi amanawa kich (*2 Corinthians 5:21*).

F. Sises afen pusin anisikich me tumunukich ach sipwe tuppwol tori an epwe niwinsefan

(Philippians 1:6; Jude 24).

Note: Sises afen monota an epwe apwonueta meinsin ankewe pwon ngonuk ikenai. Met ka monota? Ka tongeni fatopwasuk oh tungor ngeni an epwe emweni manawom. li esapw tongeni an epwe nikitukeno.

13. Mei wor met emön aramas epwe fori pwe epwe wiliti emön mi pwüing??

Matthew 7:21 “Esap iteiten chókana meinsin mi köri ngeniei, ‘Samol, Samol’ repwe tolong lón ewe mwüün läng, pwe iö chök mi _____ Semei lón läng.

NOTE: Ewer, wisach ach sipwe ngeni Sises netipach ika manawach, sipwe mut ngeni ii epwe wisen nemenem. Sipwe fokun nuku ii an epwe unusen nemeni manawach. Chomong ra nuku pwe repwe chok pin ngeni Sises ren awer chok nge resepan ekesiwini mokutukutur. (Matthew 7:14).

14. Met a fiss non ewe ranin achacha?

Leviticus 16:30 Lón ei rän, epwe fis angangen asóren _____ tipis fänitemi. Mwirin, öüpwé _____ me fän mesen ewe SAMOL seni ämi kewe tipis meinsin.

Note: Ewe fansoun achacha ew ran mi pin ranin kepwung ekan fis fan ew non ew ier. (Leviticus 23:27). Repwe pwarata oh fangetani ar tipis meinsin. Lon esapw aier sefal epwe fokun pokupokutiw seni ewe mwichel chon Israel meinsin. Aramas meinsin repwe aier oh kun seni ar tipis. (wokisin 29).Lon ena rän, ra filatä rüüemön kuuch. Emon ina noun ewe Samon we kuuch me ewe emon ina ewe kuuch, ewe a wewe ngeni Setan (Leviticus 16:7, 8). Neun ewe Samol ewe kuuch epwe nininoo oh asoreta faniten tipisin ekkewe aramas. (verse 9). Chaan ewe tolong non ewe neni mi unusen pin, oh epwe osupwuta won ewe motun epwun fan 7(verse 14). Lón chék ei ränin kapwúing mi kkóló áúchean, ewe souasor mi lap a tongeni tolong lón ewe leeni mi unusen pin. Ewe chcha mi ninnila (mi wewe ngeni an Jises asor) Kot a etiwa, me ekkewe tipis aramas ra pwarata ra siwil seni ewe leeni mi pin ngeni ewe samol fel mi lapalap. Mwirin a uwei ekkena tipis mi pwarata ngeni ewe kuuch, ewe ra emmweni ngeni ewe fonupoon me likitalo (verses 16, 20, 22). Lon ei lapalap, ewe leeni mi pin a limelimocho, lon kapas monomon, seni tipisin ekkewe aramas, ekkewe ra fen nonom ikewe ie ren ewe chaa mi ninniilo lon unusen ewe ier mwen ena.

15. Ewe ranin omusomus loom a liosueta eu limelimocho ewe leeni mi pin lon lang?

Hebrews 9:23 lei minne, mi öüchchea pwe ewe imw mangakü minen fönüfan me iteiten ekkewe mettóch meinsin mi nóm lón, ikkeei liossun ekkewe mettóch mi nóm läng, ra limelim ren chaan ekkewe maan. Nge ekkewe enletin mettóch mi nóm

_____ ra limelim ren och sókkun asór mi _____ lap seni chaan ekkewe maan.

Note: Ewer! Ekkewe mwich lon ena ran ra pwarata pwe Jises, ach we samol fel mi lapalap lon ewe leeni mi pin lon lang, epwe amoielo tipis. A nom pwe epwe chon affor fan iten Noun kewe aramas me a mmonleta le amoielo tipisin meinisin mi luku lon chchaan we mi niniilo. Ewe ranin achasefan me nom, usun chok ewe Yom Kippur non Israel ikenai, a esisinata ewe amuchunon achasefan epwe fis ngeni ewe fonufan. Ewe amuchunon achasefan a emweni ngeni ewe amuchunon kapung, minne epwe awesi feifeino chok ewe kapas eis usun tipis non manauen emon me emon. Ach lesen mwirin ei a äiti ngenikich ifa usun Kot a filatä ewe rän fän iten poputään ewe kapwüng lon läng. Ammseik!

Ponuwan mereom: Ka tipeew ne unusen wanong manauom non poun Jises pwe epwe tongeni fori ekkewe manaman mi namwot pwe kopwe pung?

